

Imaanut aqqartartutut suliaqarneq aqqartartullu atortui il.il. pillugit inatsisip allannguutai pillugit inatsisip Kalaallit Nunaannut atortuulersinneqarnissaanik kunngip peqqussutaa pillugu Kalaallit Nunanni Namminersorlutik Oqartussat oqaaseqaataat pillugu Inatsisartut aalajangiinissaat,

aamma

Ilisimasortat pillugit inatsisip ilaata Kalaallit Nunaannut atortuulersinneqarnissaanik kunngip peqqussutaa pillugu Kalaallit Nunanni Namminersorlutik Oqartussat oqaaseqaataat pillugu Inatsisartut aalajangiinissaat,

aamma

Imarsiornerup isumannaatsuunissaa pillugu inatsisip allannguutaat pillugit inatsisip Kalaallit Nunaannut atortuulersinneqarnissaanik kunngip peqqussutaa pillugu Kalaallit Nunaanni Namminersorlutik oqartussat oqaaseqaataat pillugu Inatsisartut aalajangiinissaat

(Saqq. Ineqarnermut, Sanaartornermut Attaveqarnermullu Naalakkersuisoq)

pillugit

Sanaartornermut ataatsimiititaliap

ISUMALIUTISSIISSUTAA.

Siunnersuutip aappassaaneerpeqarneranut tunniunneqartoq.

Suliarineqarnerani Ataatsimiititaliaq ukuninnga inuttaqarpoq:

Inatsisartunut ilaasortaq Anders Olsen, Siumut, Siulittaasoq
Inatsisartunut ilaasortaq Tillie Martinussen, Demokraatit, Siulittaasup tullia
Inatsisartunut ilaasortaq Jens-Erik Kirkegaard, Siumut
Inatsisartunut ilaasortaq Kalistat Lund, Inuit Ataqatigiit
Inatsisartunut ilaasortaq Ane Hansen, Inuit Ataqatigiit

UPA 2015/74+75+76

J.nr. 01.37.01.03-00085

J.nr. 01.25.01/15FM-LABU-00074

J.nr. 01.25.01/15FM-LABU-00075

J.nr. 01.25.01/15FM-LABU-00076

UPA 2015-imi ull. 11. marts 2015 siullermeereernerani siunnersuut Ataatsimiititaliap misissorpaa.

Siunnersuutip imaa aamma siunertaa

Kunnigip peqqussutaani pingaasuusuni tamani imarsiornermik suliaqartuusunut arlaatigulluunniit imarsiortunut isumannaatsuutitsinerunissaq tigussaasumik siunertaavoq.

Siunnersuutip Inatsisartuni siullermeerneqarnera

Inatsisartuni sammineqarnerini siunnersuutit akuersarneqassasut tamanit isumaqataaffigineqarpoq.

Tusarniaanermi akissutit

Siunnersuutit pingasuusut tamarmik Imarsiornermut ataatsimiititaliamut tusarniaassutigineqarsimapput, tasaanilu imarsiornermik tunngassutilinni nunatsinni soqutigisallit ilaasortaapput, tassaasut Arktisk Kommando, Royal Greenland, Kalaallit Nunaanni Politiit, Sinerissami radioqarfiit, KNAPK, Arctic Umiaq Line, Kalaallit Nunaanni Sulisitsisut Peqatigiiffiat, SIK, Royal Arctic Line, Greenland Maritime Solutions, Martek, Arctic Boat Charter, Orbicon, Sirius Greenland Aps, Visit Greenland, Teknikkimut aamma Nuna tamakkerlugu pilersaarusiortarnermut immikkoortortaarfik (Namminersorlutik Oqartussat), Inuussutissarsiornermut immikkoortortaarfik (Namminersorlutik Oqartussat), KANUAANA, Ineqarnermut, Pinngortitamut Avatangiisinullu Naalakkersuisoqarfik (Namminersorlutik Oqartussat), Umiarsualivinnut immikkoortortaq (Namminersorlutik Oqartussat), Godthåb Bådeforening.

Pineqartoq: Imaanut aqqartartutut suliaqarneq aqqartartullu atortui il.il. pillugit inatsisip allannguutai pillugit inatsisip Kalaallit Nunaannut atortuulersinneqarnissaanik kunnigip peqqussutaa pillugu Kalaallit Nunanni Namminersorlutik Oqartussat oqaaseqaataat pillugu Inatsisartut aalajangiinissaat:

Tusarniaanermi akissutigineqartut inatsisissatut siunnersuummut tapiliunneqartut tusarniaaneq pillugu allakkiami ataatsimoortinneqarput, tamannalu Inatsisartut Siulittaasoqarfiata ilusiliinissamut piumasaqaataanut naapertuuppoq.

Tusarniaanermi allakkiami takuneqarsinnaavoq, Imarsiornermut ataatsimiititaliami soqutigisaqartut siunnersuummik allannguinnissamut pissutissaqarsimangitsoq.

UPA 2015/74+75+76

J.nr. 01.37.01.03-00085

J.nr. 01.25.01/15FM-LABU-00074

J.nr. 01.25.01/15FM-LABU-00075

J.nr. 01.25.01/15FM-LABU-00076

Pineqartoq: Iisimasortat pillugit inatsisip ilaata Kalaallit Nunaannut atortuulersinneqarnissaanik kunngip peqqussutaa pillugu Kalaallit Nunanni Namminersorlutik Oqartussat oqaaseqaataat pillugu Inatsisartut aalajangiinissaat:

Tusarniaanermi akissutigineqartut inatsisissatut siunnersuummut tapiliunneqartut tusarniaaneq pillugu allakkiami ataatsimoortinneqarput, tamannalu Inatsisartut Siulittaasoqarfiata ilusiliinissamut piumasaqaataanut naapertuuppoq.

Tusarniaanermi allakkiami takuneqarsinnaavoq soqutigisaqartut amerlanerpaat siunnersuummut oqaaseqaatissaqanngitsut. Imarsiornermut ataatsimiititaliami soqutigisaqartut ataasiakkaat Kalaallit Nunaata ilisimasortanik pilersornissaanut ilisimasortatut ilinniarsimasut amerlassusii maanna naammannersut eqqarsarnartoqartippaat. Tamatumunnga nassuiaatigineqarpoq akisussaaffik naalagaaffiup ilisimasortaqaartarnermut ingerlatseqatigiiffiani Dan Pilot-imi inissisimasuusoq, taassumallu suliassat ugartorneqartut nammineerluni tunniussinnaagai, imaluunniit najukkami ingerlatseqatigiiffiit suleqatigalugit tunniussinnaallugit.

Pineqartoq: Imarsiornerup isumannaatsuunissaa pillugu inatsisip allannguutaat pillugit inatsisip Kalaallit Nunaannut atortuulersinneqarnissaanik kunngip peqqussutaa pillugu Kalaallit Nunanni Namminersorlutik oqartussat oqaaseqaataat pillugu Inatsisartut aalajangiinissaat:

Tusarniaanermi akissutigineqartut inatsisissatut siunnersuummut tapiliunneqartut tusarniaaneq pillugu allakkiami ataatsimoortinneqarput, tamannalu Inatsisartut Siulittaasoqarfiata ilusiliinissamut piumasaqaataanut naapertuuppoq.

Tusarniaanermi allakkiami takuneqarsinnaavoq soqutigisaqartut amerlanerpaat siunnersuummut oqaaseqaatissaqanngitsut. Imarsiornermut ataatsimiititaliami soqutigisaqartut ataasiakkaat oqaaseqaateqarsimallutik nalunaarput, oqaaseqaatillu tamakku pillugit inatsisiliortumik oqaloqateqarsinnaasimanerarput. Ilaatigut tusarniarneqartumit ataatsimit ataqatigiissaakkamik ingerlaartarnissamik aamma sikulimmi angalanissamut qajannaallisaanermik aamma ingerlaarfissanik aalajangersimasunik piumasaqaatit Kalaallit Nunanni ilaasartaatinik takornariartarnerup annikillinissaanik kinguneqarnissaat eqqarsarnartoqartinneqarpoq. Tusarniaanermi allakkiami oqaatigineqarpoq nalunaarutissamut missingusiatut suliaq Visit Greenlandimut marloriarluni

UPA 2015/74+75+76

J.nr. 01.37.01.03-00085

J.nr. 01.25.01/15FM-LABU-00074

J.nr. 01.25.01/15FM-LABU-00075

J.nr. 01.25.01/15FM-LABU-00076

tusarniaataasimasooq. Missingiutit ilaasartaatit takornariartaatit suleqatigiiffiannut AECO-mut Visit Greenlandimit ingerlateqqinneqarnikuupput. AECO-p oqaaseqaatai Søfartsstyrelsen-imut tunniunneqarsimapput, Søfartsstyrelsen-illu AECO aamma CLIA (ilaasartaatit takornariartaatit nunani tamalaani suleqatigiiffiat) ataatsimeeqatigisimavai. Taamaalilluni Sanaartornermut ataatsimiititaliap isumaa malillugu sukumiisumik tusarniaasoqarsimavoq, oqaaseqaatillu attuumassuteqartut tiguneqarsimapput suliarineqarlutillu.

Ataatsimiititaliap siunnersuutiniq suliaqarnera

Siunnersuutit innersuunneqartut Ataatsimiititaliap isummorsorfigai, Ataatsimiititaliamilu Inatsisartuni suliarineqarneratuulli nalinginnaasumik isumaqatigiittoqartoq maluginiarneqarpoq.

Imaani isumannaatsuutitsinissaq arlalitsigut pitsanngoriaateqassammatt Sanaartornermut ataatsimiititaliap iluarinartippaa.

Ataatsimiititaliap paasivaa, tamatuma kingorna nalunaarutit atuutilersinneqassasut, taakkulu 2016-imi ilaasartaatit takornariartaatit angalanissaannut sunniuteqarnissaat naatsorsuutigineqartoq. Suliniutigisalli arlallit sivilisunerusumik aallarnisarneqassagunarput. Namminersorlutik Oqartussat imarsiornermilu soqutigisaqartut isummersoqatigiinnerisigut nalunaarutit suliarineqassammata.

Ataatsimiititaliap paasivaa, peqqussutit inaarutaasumik suliarineqarnerinut atatillugu atortussanngortitsinissamut piffissaliussat iluarsiiqqineqassasut, taamaalilluni kingumut atuuttumik inatsisiliortoqassanngimmat. Ataatsimiititaliattaq paasivaa, peqqussutit nutserneqarneranni paatsoorneqarsinnaasunik imaqartoq, kiisalu imarisaasut atuutilersivitsinnagit taakku misissorneqartariaqartut.

Peqqussutit pineqarmata, taakkunanilu pineqartut nunatsinnit tiguneqarsimannngimmata, pisortanut akissaajaataasinnaasut isummerfigineqanngillat. Pisortanut annertunerusumik akissaajaataaratarsinnaasut Naalaagaaffiup Aningaasivianit akilerneqartariaqassapput. Siunnersuutip namminersortunut aningaasaqarnikkut sunniutissaanut atatillugu, Ataatsimiititaliap siunnersuutiniq misissuinermini paasivaa, Imarsiornermut ataatsimiititaliaq tusarniarneqarsimasooq, ataatsimullu isigalugu sukumiisumik tusarniaasoqarsimasooq. Maluginiarneqarporli ilisimasortat atornerneqarnerinut ukiumut akissaajaatit 4,8 mio. kr.-t missaanit 6,4 mio. kr.-t missaanut qaffariarnissaat naatsorsuutigineqartoq.

UPA 2015/74+75+76

J.nr. 01.37.01.03-00085

J.nr. 01.25.01/15FM-LABU-00074

J.nr. 01.25.01/15FM-LABU-00075

J.nr. 01.25.01/15FM-LABU-00076

Tassunga atatillugu Sanaartornermut ataatsimiititaliap oqaatigissavaa, inuussutissarsiortut akissaajaatinik tamakkuninnga nammakkerneqassappata, AIS 2015-II-mi siunnersuutigineqartut inuussutissarsiortut takornariartaatinut akileraarutinut akissaajaataat taamaaqataanik oqilisaaffigineqanngippata, tamanna ilaasut amerlassusaasa taamaalillunilu takornariaqarnerup sunnigaasinnaanannerannik kinguneqarsinnaasoq.

Siunnersuutip aningaasatigut sunniutissai

Immikkoortut pingasut suliarineqartut nunatsinnit tiguneqarnikuunngillat, taamaattumillu peqqussutissanut oqaaseqaateqarnissamut taamaallaat piumasaqartoqarmat, aningaasatigut sunniutissanut Inatsisartunut ilusiliinissamut piumasqaatit atuuttut annertunerusumik attuumassuteqanngillat. Taamatuttaaq siunnersuutit malitsigisaanik pisortanut akissaajaataaratarsinnaasut Naalagaaffiup aningaasavianit akilerneqartariaqassapput.

Ataatsimiititaliap inassutai

Ataatsimiititaliap isumaqatigiittup siunnersuutit akuerisassatut inassutigai, oqaaseqaatigineqassarlu:

- Inaarutaasumik peqqussutit naleqqussarneqassapput, taamaalilluni kingumoortumik atuutilertussamik inatsisiliortoqassanngimmat, kiisalu
- Inaarutaasumik peqqussutini oqaatsit atugaasut naqqissornissaat isumannaarneqassaaq, taamaalillutik atuisut inatsimmi pineqartut pissutsit attuumassuteqartut pillugit naammattumik qularnaatsumillu paasinninnissaat anguneqarsinnaassammat.

Taamatut oqaaseqarluni isumaliutissiisummilu allassimasutut paasinnilluni Ataatsimiititaliap siunnersuut aappasaaniigassanngortippaa.

UPA 2015/74+75+76

J.nr. 01.37.01.03-00085

J.nr. 01.25.01/15FM-LABU-00074

J.nr. 01.25.01/15FM-LABU-00075

J.nr. 01.25.01/15FM-LABU-00076

Anders Olsen, Siulitaasoq

Tillie Martinussen

Jens-Erik Kirkegaard

Kalistat Lund

Ane Hansen

UPA 2015/74+75+76
J.nr. 01.37.01.03-00085
J.nr. 01.25.01/15FM-LABU-00074
J.nr. 01.25.01/15FM-LABU-00075
J.nr. 01.25.01/15FM-LABU-00076